

BOSNA I HERCEGOVINA

Federacija Bosne i Hercegovine

Zeničko-dobojski kanton

Grad Zenica

Javna ustanova Bosansko narodno pozorište Zenica

Trg BiH 3, 72000 Zenica

U skladu sa članom 20.a Zakona o radu Federacije BiH („Službene novine Federacije BiH“, br. 26/16, 89/18, 23/20, 49/21, 103/21 i 44/22), članovima 36. stav (1) i 59. Zakona o pozorišnoj djelatnosti Zeničko-dobojskog kantona („Službene novine Zeničko-dobojskog kantona“, br. 04/16), Uredbom o postupku prijema u radni odnos u javnom sektoru u Zeničko-dobojskog kantona („Službene novine Zeničko-dobojskog kantona“, br. 09/23 i 14/23) te Odlukom Komisije za davanje prethodne saglasnosti Zeničko-dobojskog kantona br. 02-30-8588-2/23 i Saglasnosti Grada Zenica br. 02-45-22021/23, a na osnovu Odluke o objavi javnog oglasa br. 1033/23, direktor Javne ustanove Bosansko narodno pozorište Zenica objavljuje

JAVNI OGLAS za prijem radnika u radni odnos

I

Javna ustanova Bosansko narodno pozorište Zenica objavljuje Oglas za prijem radnika u organizacionoj jedinici „Drama“ na određeno vrijeme u trajanju od dvije (2) godine uz probni rad u trajanju od šest (6) mjeseci, na radno mjesto:

1. **DRAMATURG** – 1 izvršilac/izvršiteljica

II

a) Opis poslova radnog mjesta: sastavlja i predlaže okvirni repertoar, prati razvoj dramske literature i njenog izvođenja u zemlji i inostranstvu, predlaže na čitanje direktoru i članovima umjetničkog savjeta djela koja mogu biti od interesa za repertoar, ostvaruje saradnju sa dramskim autorima i piscima, vrši po potrebi dramaturške intervencije na tekstovima uvrštenim u repertoar, povremeno prisustvuje probama i ostvaruje saradnju sa stvaraocima predstave, vrši analizu ostvarenog repertoara, učestvuje u pripremanju propagandnog i reklamnog materijala, radi na formiranju pozorišnog muzeja, vodi i popunjava evidenciju muzejskog materijala, brine se zaštitu eksponata i materijala i učestvuje u sređivanju muzejskih zbirki, priprema tematske i druge muzejske izložbe i stalne postavke eksponata, sarađuje sa pozorišnim muzejima u BiH, festivalima i institucijama u cilju daljeg unapređenja rada.

Osnovna neto plaća iznosi: =981,50 KM KM.

III

Opći uslovi koje treba ispunjavati kandidati koji se prijavljuju na javni oglas:

- da je državljanin BiH,
- da je stariji od 18 godina i
- da je zdravstveno sposoban za obavljanje poslova radnog mjesta na koji se prijavljuje.

Ljekarsko uvjerenje izdato od nadležne zdravstvene ustanove dostavlja kandidat koji bude izabran u roku od 15 (petnaest) dana od dana obavještenja o izboru u radni odnos.

Posebni uslovi:

- a) VSS, VII stepen odnosno visoko obrazovanje prvog ciklusa Bolonjskog sistema studiranja – odsjek dramaturgija.

IV

Kandidati su dužni dostaviti sljedeće:

- a) svojeručno potpisanu prijavu, uz obavezno navedene kontakt podatke (ime, prezime, adresa prebivališta, broj telefona, e-mail adresa) i spisak dokumentacije koja se prilaže,
- b) diplomu o završenom obrazovanju kao dokaz o stečenoj stručnoj spremi, koja se traži za radno mjesto (ukoliko kandidat iz određenog razloga ne posjeduje univerzitetsku diplomu, može dostaviti uvjerenje o diplomiranju, koje nije starije od jedne godine),
- c) izvod iz matične knjige rođenih i
- d) uvjerenje o državljanstvu (ne starije od šest mjeseci od dana izdavanje od strane nadležnog organa).

Dokumenti iz ovog člana se dostavljaju u originalu ili ovjerenoj kopiji.

V

Kandidati, pored navedenog iz člana IV, dostavljaju i:

- a) poseban **Dodatak prijavi** sa navedenim podacima koji se odnose na dosadašnji stručni rad, ostvarenja i angažman u oblasti dramaturgije, a prema uputama koje se mogu preuzeti na internetskoj stranici www.bnp.ba,
- b) tri (3) preporuke pozorišnih umjetnika i stručnjaka sa reputacijom u pozorišnoj djelatnosti i umjetničkoj produkciji, izdate od eminentnih i priznatih pozorišnih umjetnika, iz zemlje ili inostranstva koji su u toku stručnog umjetničkog rada ili nastavnog procesa rada sa kandidatom,
- c) dokaz o radnom iskustvu koji se odnosi na učešće u umjetničkim projektima u profesionalnim pozorišnim produkcijama (inscenirani autorski dramski tekst ili dramaturgiju) - ukoliko imaju,
- d) dokaze o objavljenim stručnim teatrološkim radovima iz oblasti dramaturgije - ukoliko imaju,
- e) dokaze o učešću na poslovima uređivanja teatrološkog materijala (katalozi, afiše, teatrološki materijali) - ukoliko imaju,
- f) dokazi i potvrde o osvojenim nagradama za ostvarenja u pozorišnoj umjetnosti - ukoliko imaju,
- g) potvrde o učešću u programima dramske i umjetničke edukacije - ukoliko imaju i
- h) potvrde o učešću u međunarodnim pozorišnim projektima - ukoliko imaju.

VI

Na osnovu Preporuke o transparentnosti i socijalnom aspektu zapošljavanja Gradonačelnika Zenice broj: 02-49-593/17, u slučaju da kandidati ostvare jednak broj bodova na osnovu prethodno definiranih uvjeta i dostavljene dokumentacije, prednost se može dati kandidatima socijalnog i posebnog statusa koji su: članovi domaćinstva bez prihoda, članovi porodice poginulog borca ili šehida, odnosno ratnog vojnog invalida.

U skladu sa prethodnim, prijavljeni kandidati mogu dostaviti i sljedeće:

- a) ovjerena kućna lista;
- b) uvjerenje nadležnog organa o pripadnosti porodici poginulog borca ili šehida, odnosno ratnog vojnog invalida (ovjerena kopija ili original).

VII

Sa kandidatima koji blagovremeno dostave potpune i uredne prijave obaviti će se pismeni i usmeni stručni ispit (intervju), o čijem će terminu i mjestu kandidati biti obaviješteni najmanje pet (5) dana prije održavanja, dostavom skenirane obavijesti na e-mail adresu kandidata i njenom objavom na web stranici www.bnp.ba i Oglasnoj ploči JU Bosansko narodno pozorište Zenica. Obavijest sadrži i informaciju o listi pitanja prema kojima se provodi usmeno i pismeno stručno testiranje, a koja će biti dostupna na web stranici www.bnp.ba.

VIII

Prijava sa potrebnom dokumentacijom dostavlja se poštom na adresu:

Javna ustanova Bosansko narodno pozorište Zenica

(uz napomenu: „Prijava na Javni oglas za prijem u radni odnos - ne otvarati“)

Trg Bosne i Hercegovine broj 3

72000 Zenica

IX

Listu uspješnih kandidata utvrđuje Komisija, u skladu sa postignutim rezultatima na stručnom testiranju i prema kriterijima bodovanja.

Ukoliko kandidat ne pristupi pismenom i/ili usmenom stručnom ispitu u tačno zakazanom terminu i mjestu, smatrat će da je odustao od daljnje oglasne procedure.

Kandidati koji nisu izabrani na radno mjesto za koje je provedena procedura prijema, pismeno će biti obaviješteni najkasnije u roku od pet (5) dana od dana donošenja odluke o prijemu u radni odnos izabranog kandidata.

Izabrani kandidat je dužan izjasniti se o prihvatanju zaposlenja u roku od tri (3) dana od dana prijema odluke o prijemu u radni odnos. U suprotnom, smatra se da je odustao.

X

Neblagovremene, nepotpune i prijave kandidata koji ne ispunjavaju opće i posebne uvjete oglasa neće se uzimati u razmatranje.

XI

Javni oglas ostaje otvoren 15 (petnaest) dana od dana objavljivanja.

Obavijest o Javnom oglasu bit će objavljena u dnevnom listu „Oslobođenje“, a integralni tekst će isti dan biti objavljen na web stranici Grada Zenica (www.zenica.ba), web stranici JU BNP Zenica (www.bnp.ba) i Oglasnoj ploči, kao i na web stranici i Oglasnoj ploči JU Službe za zapošljavanje ZDK - Biro rada Zenica.

Javna ustanova Bosansko narodno pozorište Zenica nije obavezna vraćati dokumentaciju dostavljenu uz prijavu. Kandidati koji nisu izabrani mogu preuzeti svoju dokumentaciju u prostorijama Javne ustanove, uz predodženu ličnu kartu i pismenog zahtjeva.